

T 3199/2832.83

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
MAY 26 1939

6

潁州府志卷之六

瑯琊王敏福凝箕氏纂輯



名宦志

周禮置六官而皆曰設官分職以爲民極此以
貴治賤之義也夫位不論大小要於盡職考官
於潁者或兼保釐之任或著循良之稱莫不功
在當時譽流後世至今按籍而稽咸指而目之
曰某某其屏翰我者也某某其父母師傅我者
也於是乎載之以口碑報之以祠祀蓋其人傳
矣而其政亦遂爲後世之式云

東漢

何敞字文高其先家於汝陰六世祖比干官丹陽都尉徙居平陵永元間爲汝南太守以寬和爲政分遣儒術大吏案行屬縣顯孝弟有義行者舉寃獄以春秋義斷之百姓化其恩禮其出居者皆歸養其父母追行喪服推財相讓者二百許人又修理銅陽舊渠百姓賴其利墾田增三萬餘頃吏人刻石頌其德

楊秉字叔節弘農華陰人豫州刺史治譙計日受俸餘祿不入私門故吏遺錢百萬不受

至太尉

宋登字叔陽長安人爲汝陰令號稱神父遷趙相入爲尙書僕射轉拜侍中數上封事抑退權臣出爲潁川太守境內大治及卒汝陰人配社祀之

徐弘字聖通爲汝陰令誅鋤姦桀道不拾遺民歌之曰徐聖通爲汝陰平刑罰姦宄空出會

稽典錄

張嘉字季智臨武人爲平輿令時大旱嘉禱雩未應乃積薪自焚主簿崇小史張化從嘉焚

焉火既燎天即澍雨

劉伯麟慎令有恩於民其墓銘曰忠孝正直高明柔克今祀名宦

劉陶頴陰人舉孝廉除慎陽長縣多姦猾陶到官募吏民武勇過晏等十餘人皆釋其先過使各結所厚少年嚴兵待命於是覆案姦軌所發若神後以病去吏民思而歌曰悵然不樂思我劉君何時復來安此下民

虞延字子大陳留人細令廉明有守用法寬平每歲時伏臘遣繫囚歸省悉應期而還有

病於家者自載詣獄既至而死延率吏掾殮於門外百姓感悅

三魏

盧毓字子家涿郡人仕魏譙郡太守文帝譙舊鄉徙民實之以為屯田而譙土地磽瘠百姓窮困毓憫之上表徙民於梁國就沃衍官至侍中

江綦陳留人以義行稱為譙郡太守

徐邈字景山燕國人譙郡相官至光祿大夫卒諡穆侯朝廷追思清節之士詔賜其家穀二

千斛錢三十萬盧欽著書稱邈曰徐公志高行
潔才博氣雄高而不狷潔而不介博而守約猛
而能寬聖人以清爲難徐公之所易也
鄧殷平陽襄陵人亮直強正鍾會伐蜀召爲
主簿後遷汝陰大守

晉

陳頽字延思陳國苦縣人少好學有文義父
訢立宅起門頽曰當使容車馬訢笑而從之任
郡督郵辟部從事舉孝廉不至薦同縣焦保遷
參軍典法兵二曹頽以孤寒數有奏議朝士多

惡之出除譙郡太守歷官梁州刺史

宋

王玄謨太原人元嘉中領汝陰太守時魏攻
陷滑臺玄謨每陳此役之規帝曰聞玄謨言使
人有封狼居胥意屬官至南豫州刺史加都督
成 滿六縣令 玄寬平遺愛在民元嘉初太
祖遣大使巡行四方兼散騎常侍孔默之等上
言應加褒賚以勸於後

李熙國鮦陽令去官後孔默之王歆之等並言
其任事有方民思其政乃與成浦各賜絹三十

疋穀二百斛

何道山桑令文帝元嘉初遣使巡行四方散騎常侍王歆之等上言桑令何道自少清廉白首彌勵應加褒賚以勸於後張景遠為汝陰太守明帝泰始三年魏攻汝陰景遠與軍主楊文萇拒之破之

梁

馮道根字巨基廣平鄆人天監八年領汝陰太守為政清簡境內安之性儉終所居宅不修墻屋無器服侍者皆素士嘗云吾

蕭

字靖善大通元年得魏渦陽以藻為北都督鎮之性恬靜善屬文獨處一室門庭蕭然宗室衣冠莫不楷則遷中書令侍中裴之高字如山壽陽人除梁郡太守魏汝陰來附於梁敕之高應接士民夜反踰城而入之高率家僮與麾下奮擊賊乃散走後為譙州刺史侯景之亂之高為西豫州刺史率眾入援官至光祿大夫

北魏

傳 永字修期清河人景明中以揚武將軍帶
汝陰太守高祖曰上馬擊賊下馬作露布惟傳
修期耳終南兗州刺史

孟 表字武達仕齊爲馬頭太守降魏除南兗
州刺史鎮渦陽齊遣豫州刺史裴叔業攻圍六
十餘日城中食盡表煮朽革及草木葉爲食撫
循將士勦力固守會鎮南將軍王肅救之叔業
乃退孝文嘉其功封汶陽伯

元之華字伏榮孝靜初除南兗州刺史民吏咸
沐其德

村 弼字輔玄中山曲陽人仕東魏累遷衛尉
卿西魏遣王思政據潁州弼行潁州事大軍在
境調輸多費弼均其苦樂公私兼舉爲州民所
稱

北齊

樊子蓋廬江人愼令人隋累封濟公卒諡景隋
史稱其臨民明察下莫敢欺然少恩今祀名宦

北周

元景山字寶岳洛陽人亳州總管先是州民王
廻洛等聚亡命爲盜牧守不能制景山擒其黨

與數百人斬之盜賊屏息
伊婁謙字彥恭鮮卑人亳州總管清約自處甚
得人和

唐

陸子才吳人信州刺史有幹畧

張文琮貝州武城人好自寫書筆不釋手貞觀
中為治書侍御史遷亳州刺史永徽中優詔褒
美

柳寶積永徽中潁州刺史修椒陂塘引澗水溉
田三百頃拜戶部侍郎配名宦

姚崇字元之陝州人初在武后多所匡正神
龍元年為亳州刺史稱唐賢相配名宦
論惟貞名瑀以字行本吐蕃族也肅宗時賊將
謝欽讓據陳乃假惟貞潁州刺史斬賊將降者
萬人封蕭國公李光弼病表以自代

崔渙博陵安平人博綜經術起家亳州司功
參軍於是入判者千餘吏部侍郎嚴挺之施特
榻試藝尊銘謂曰子清廟器故以題相命後拜

門下侍郎同平章事配名宦

張巡鄧州南防人真源令土多豪猾大吏華

南金植 威恣肆邑中語曰南金口明府手巡以

法誅之 赦餘黨咸改行安祿山反譙太守楊萬

石以郡 降逼巡為長史迎賊巡至真源帥吏民

哭於立 元皇帝廟起兵討賊死睢陽難

姚 閭 海寧人城父令與張巡同守睢陽城陷

死之祀 名蹟公卒大異

裴 謂 字士明聞喜人代宗時為鹽鐵使入計

帝問出 納幾何謂曰臣自河東來農人愁歎穀

麥未種 臣謂陛下軫惠元元先訪疾苦而乃責

臣以利 孟子曰治國者仁義而已何必曰利帝

稱歎拜 右司郎中出為亳州刺史祀名宦

楊 凝 字懋功號州弘農人侍御史為權倖所

忌徙郎 中宣武董晉表為判官亳州刺史缺以

凝行州 事增墾田治圩築堤防水患盡息

李 岫 潁州刺史與利除害得百姓心

李 繁 泌之子也敬宗時為亳州刺史州有劇

盜前刺 史皆不能擒繁有機謀悉知巢藪出兵

捕斬之 史謂其才警

鄭 誠 潁州刺史有名於時

張 克 永州人唐末為亳州刺史有治聲

李廓元和間進士有詩名爲潁州刺史善擒劇盜後官至觀察使

辛讜太原尹雲京孫也學詩書能擊劍重然諾赴人所急居揚州龐勳反攻杜悛於泗州讜挈舟趨泗口貫柵以入悛握手定交讜請還與妻子決同怡生死圍急飛鳥不能入讜與壯士夜踰淮馳三十里見戍將楊厚本告急斷臂痛哭厚本付兵五百人擊賊大敗之人心遂固又與壯士十人持斧夜斬賊柵出見令狐絢審配合兵五千救泗讜引兵夾戰斬賊六百級圍凡

十月乃解以功第一拜亳州刺史

段珂汧陽人秀實之孫僖宗時居潁州黃巢圍潁刺史欲以城降珂募少年拒戰衆裹糧請從賊潰卽拜州司馬

五漢代

郭瓊廬州人亳州團練使入漢改潁州團練使又加防禦使瓊起卒伍所至有惠政尊禮儒士孜孜樂善武臣之賢者也
司超大名元城人爲宿亳宋三州遊奕巡檢後移屯下蔡鎮與淮人戰有功

周

王 祚并州人顯德初爲華州刺史改鎮潁州均租稅實流徙浚通商渠通舟楫除水患祀名宦

宋

郭廷謂字信臣彭城人好學工書善騎射先仕南唐人周爲亳州防禦使歸宋復知亳州性恭謹事母以孝聞未嘗不束帶立侍

萬 適潁上簿有惠政祀名宦

謝 續霍邱令創建蓼驛得爲政大體

楊大雅字子正錢塘人素好學雖飲食不釋卷進士及第歷官諫議大夫集賢院學士知亳州朴學自信無所阿附嘗使淮南遇風覆舟冠服盡喪丁謂鎮金陵遺衣一襲不受謂以爲歎所著有原治十七篇大隱集西垣集職林兩漢博問祀名宦

畢士安字仁叟代州雲中人父義林終觀城令因家焉少好學事繼母祝氏以孝聞祝氏曰學

必求良師友乃與如宋又如鄭遂爲鄭人乾德四年舉進士淳熙二年召入翰林爲學士以父諱義林抗章引避朝議爲二名不偏諱不聽三年知貢舉加主客郎中以疾請外改右諫議大夫知潁州後與寇準同拜平章事端方沉雅有清識蘊藉美風采善談吐所至以嚴正稱年耆目眊讀書不輟手有文集三十卷歿後真宗謂畢士安飭躬慎行有古人風及王旦爲相面奏畢士安歿未終喪家用已屈宜有以周之真宗感歎賜白金五千兩

穆 修字伯長鄆州人性嗜學真宗朝補潁州文學叅軍性剛介於人寡交張知白守毫召爲毫豪士作佛廟記及成不書士名其人遺以五百金求載名記後修投金亭下趣裝去曰吾寧餬口爲旅人決不以匪人污吾文也宰相欲識修且將用爲學官修不往見母死自負襯以葬自五代文倣楊億劉筠尙爲聲偶之詞修於是時獨以古文稱蘇舜欽兄弟多從之遊

周 起字萬卿淄州鄒平人父意知衛州坐事削官起纔十三詣京師訟父寃得復官舉進士

授將作監丞進金部員外郎判集賢院初置糾察刑獄司因命起起請諸已決而事有所枉及官吏非理撈掠者並聽受訴從之後爲禮部侍郎出知潁州聽斷明審舉無留事

李垂字舜工聊城人咸平中登第上兵制將制書遷著作郎館閣校理上導河形勝書累修起居注丁謂執政未嘗往謁謂惡之罷知亳州

遷潁州

呂夷簡字坦夫大中祥符四年任潁州推官時呂文穆公致政居洛真宗幸其第問曰卿諸子

孰可用對曰臣諸子皆不足用有姪夷簡宰相

才也夷簡由是見知後相仁宗

馬知節字子元幽州薊人全義子太宗時以廕補供奉官年十八監彭州兵以嚴蒞衆憚之如老將論事審審無所忌嘗言天下雖安不可忘戰上以爲然大中祥符七年出爲潁州防禦使累官宣徽南院使知樞密院事檢校太尉贈侍中謚正惠

李廸字復古景祐二年知亳州時賊剽掠城邑捕之不得廸陰察知賊處遣銳士擒斬之賊

遂平後又以刑部尙書知亳州官至太子太傅
祀名宦

王洙仁宗朝由工部員外郎出知濠州徙知
亳州復爲天章閣侍講史館檢討帝將祀明堂
宋祁言明堂制度久不講洙有禮學願得同具
其儀遷知制誥撰大饗明堂記諸儒定雅樂與
胡瑗更造鐘磬夏竦賜謚文獻洙當草制封還
其目曰不當與僖祖同謚洙汎覽傳記至圖緯
方伎陰陽五行筭數音律訓詁篆隸之學無所
不通終侍讀學士

張知白滄州人知亳州守道循公當官不撓祀
名宦

劉筠字子儀大名入舉進士與修圖經及冊
府元龜進翰林學士嘗草丁謂與李迪罷相制
旣而謂復留令別草制不奉詔天聖中以禮部
侍郎知潁州遇事明達而治尙簡嚴詩文與楊
億齊名官至龍圖閣直學士祀名宦

柳植字子春真州人知潁州後知亳州平居
畏慎寡言笑官舍蔬菓亦不妄採仕至吏部尙
書祀名宦

段少連字希逸開封人其母夢鳳集而生及長
倜儻有識度舉詞學歷知蒙城縣通敏有才事
無大小決遣如流不爲權要所屈累遷至龍圖
閣學士祀名宦

邵亢字興宗丹陽人十歲賦詩豪縱舉異才
茂等元昊反獻兵說十篇召試秘閣授潁州團
練推官時晏殊爲守一以事委之民稅舊輸陳
蔡轉運使又欲復折緡錢且多取之亢力除其
害後又知亳州祀名宦

楊察字隱甫合肥人景祐元年進士出知潁
州遇事明決勤於吏職後官翰林學士

晏殊字同叔臨川人初以禮部侍郎知亳州
及入相後復以工部尙書知潁州公餘手不釋
卷植雙柳西湖中後人思之爲建亭卒贈司空
祀名宦

江楫慶曆初爲潁州團練推官有稱於時遷
大理寺丞

周濤字幾道皇祐中歷亳州觀察推官視民
疾如已疾所至民畏愛之累官屯田員外郎
李孝基字伯始濮人仁宗朝登進士第出爲汝

陰令事來亟斷甫日中庭已空矣或問其故曰
無他省事耳

王代恕咸平人爲潁州司法叅軍州有巨盜樂
姓以罪係獄後遇赦出復爲民害有朱氏者募
客殺之當抵法代恕曰法者所以輔善而禁惡
今爲盜殺良豈立法意耶狀列之朱得減死官
至檢校太師祀名宦

蔡齊字子思膠州人舉進士第一以戶部侍
郎出知潁州有惠政潁始立學齊所請也卒贈
兵部尙書諡文惠潁人見其故吏朱家會喪猶

號泣思之祀名宦

劉渙潁上令持正不阿忤上官遂棄去隱於
廬山之陽號西礪居士歐陽公作廬山高詩贈
之祀名宦

程琳字天球永寧軍博野人舉服勤詞學科
景祐中以吏部侍郎叅知政事剛直無所回羣
小中以事貶光祿卿知潁州累官中書門下平
章事爲人敏厲深嚴長於政事

宋庠字公序開封雍邱人天聖初舉進士開
封試禮部皆第一以使相判亳州慎靜爲治天

資忠厚嘗曰逆詐恃明殘人矜才吾終身弗爲也所著書甚多弟祁字子京與兄庠同舉進士祁第一章獻太后不欲以弟先兄乃擢庠第一祁第十以學士出知亳州時方修唐書以稟自隨史謂其能文善議論所至治事明峻好作條教有文集百卷並祀名宦

蘇舜欽字子美易簡之孫父耆有才名爲工部郎中少以父廕補齋郎調滎陽尉非所好也已而鎖其廳去舉進士中第改光祿主簿知蒙城縣舜狀貌竒偉慷慨有大志少好古工爲文章

所至有善政遷大理評事數上疏論朝廷大事范文正公薦舜召試得集賢校理是時范文正公與富樞密多所設施欲革衆弊以紓民力而小人不便以舜文正公之所薦而宰相杜公壻也乃以事中舜坐監進奏院祠神奏用市故紙錢會客爲自盜除名所會客皆一時賢俊悉坐貶舜居蘇州作滄浪亭日益讀書大涵肆於六經而發其憤悶於歌詩又喜行草書爲世所傳居數年得湖州長史卒

歐陽修字永叔廬陵人皇祐元年杜韓范富相

繼以黨議去修慨然上疏姦黨忌之出知滁州徙賴州嘗塞白龍溝蓄水西湖灌田以爲民利建書院於西湖上俾賴人咸知向學累遷叅知政事爲蔣之奇所訐治平四年復知亳州修歷郡不見治跡不求聲譽寬簡而不擾所至民便之或問之曰以縱爲寬以畧爲簡則政事弛廢而民受其弊吾所謂寬者不爲苛急簡者不爲繁碎耳爲文天才自然豐約中度在朝以風節自持與人盡言無所隱以請止散青苗錢爲王安石所詆求去益切熙寧四年以太子少師致仕居賴州明年卒於賴諡曰文忠後裔有家賴者祀名宦

呂公著字晦叔中進士第皇祐元年通判賴州郡守歐陽修與爲講學之友熙寧元年爲御史中丞復以忤王安石出知賴州後相哲宗祀名宦

張洞字仲通祥符人自幼開悟誦書日數千言爲文甚敏慷慨自許以有爲舉進士調賴州推官有劉甲者強使弟柳鞭其婦旣而夫婦相持泣甲怒逼柳使再鞭之婦死吏當夫極法知

州歐陽修欲從之洞曰律以教令爲首夫爲從
且非其意不當死衆不聽洞卽稱疾不得已獻
於朝果如洞言修甚重之終工部郎中祀名宦
王德用字元輔皇祐二年除集慶軍節度使至
和元年爲樞密使契丹曰南朝以公爲樞密可
謂得人矣

錢象先蘇州人知潁州通法家說多所裁定嘗
謂犯勅者重犯令者輕移勅入令者甚衆又議
告捕法以爲罪有可去有可捕一槩許捕姦人
將倚法以害良善持心平恕類如此歷官吏部

待蘇

蘇頌字子容丹陽人第進士謫南京留守推
官及知潁州潁判趙至忠所至與守競禮頌待
以禮且盡誠意至忠感泣曰身雖夷人見義則
服平生誠服者惟公與韓魏公耳後知亳州紹
聖四年以太子少師致仕祀名宦

韓億字宗魏真定人徙開封舉進士仁宗朝
叅知政事罷知亳州億性方重治家嚴飭雖燕
居未嘗有惰容第二子綜自西倅謁告省覲公
置酒召僚佐坐中忽云二郎吾聞西京有疑獄

奏讞者其詳云何方思之未能對公遂推案索杖大詬曰汝食朝廷厚祿事無巨細皆當究心大辟奏案尙不能記細務不學可知叨冒若此何以報國必欲撻之衆竇力解乃已其家法之嚴如此而居心仁恕親舊孤貧者常給其婚葬每見諸路有奏擗拾官吏小過者輒顏色不懌曰奈何錮之於盛世八子皆有名以太子太傅致仕卒謚忠憲

趙宗道字子淵嘉祐四年知潁州時大饑賑給存勞寇盜屏息流亡以復

燕 肅字穆之曹州人舉進士判刑部侍建言州縣疑獄及情可憫皆上請其後大辟上請多得貸自肅始以左諫議大夫知亳州又以龍圖閣直學士知潁州性精巧畫入妙品嘗造指南記里二車又上蓮花漏法州郡皆用之官至禮部侍郎祀名宦

劉家霍邱令設法賑饑民賴以活者甚衆滿執中萬壽令恤孤寡均賦役抑豪強課種藝人以召杜稱之

王旭字仲明大名莘人由判國子監出知潁

州卓有政績

彭思永字季良吉州人熙寧元年知亳州嘗曰
吾不爲他學但幼時卽學平心以待物耳

富弼字彥國河南人熙寧三年以使相判毫
州幕府須稟命者以狀白公批數字於紙尾莫
不盡其情理或事有難決幕府不能措手公一
言乃定疑者嘆服時青苗法出弼以爲如是則
財聚於上人散於下持不行提舉官趙濟侍御
史鄧綰劾之乃以僕射判汝州弼言新法臣所
不曉不可以治郡願歸洛養疾許之年八十卒

諡文忠祀名宦

馮京字當世鄂州江夏人少雋邁不羣舉進
士自鄉舉禮部以至廷試皆第一叅知政事數
與王安石論辯又薦劉攽蘇軾掌外制會選人
鄭俠言時政薦可相呂惠卿譖京與俠通罷知
亳州其爲郡守諸縣公事至卽歷究之苟與縣
牘合而處斷麗於法者呼法吏決罪不以下獄
報下捷疾一無壅滯人服其敏以太子少師致
仕卒諡文簡祀名宦

曾鞏字子固南豐人歷知亳州所至務去民

疾苦入爲中書舍人弟肇字子開以寶文閣待
制知潁州浚清河興學校勸農桑楊龜山曰曾
子開不以顏色假借人慎重得大臣體官至翰
林學士俱祀名宦

劉放字貢父臨江新喻人與兄敞同登科博
記能文章政事侔古循吏熙寧中判尙書考功
同知太常院以與王安石不合累外徙知亳州
其到任謝上表有云誓殞百身勿渝一志可知
其概矣祀名宦

晁補之字無咎濟州鉅野人父端有工於詩補
之聰明強記纔解事卽善屬文王安石國蘇軾
見竒之由是知名舉進士試開封及禮部別院
皆第一李清薦堪館閣召試除秘書省正字遷
校書郎以秘閣校理通判揚州召還爲著作佐
郎章惇當國出知齊州羣盜晝掠塗巷補之默
得其姓名一日晏客召賊曹以方畧授之酒行
未竟悉擒盜至一府爲徹警坐修神宗實錄降

通判亳州

葉康直字景溫建州人擢進士第歷官寶文閣
待制以疾請知亳州通濬積潦民獲田數十萬

授改潁州教授時蘇軾守潁待之甚厚意欲叅諸門弟子列師道賦詩曰向來一瓣香敬爲會南豐其不苟如此

朱光庭字公琰河南偃師人除集賢殿修撰知亳州程伊川稱其在官在家臨民泣事造次動靜一由至誠有蹇蹇王臣之節凜凜循吏之風祀名宦

豐 稷字相之鄆人登第哲宗時以集賢學士知潁州後高宗時官承奉郎更歷中外所至有聲祀名宦

王渙之常山人未冠擢進士知潁上縣每云乘車常以顛墜處之處舟常以覆溺處之仕宦常以不遇處之則無事矣其志趨如此祀名宦

呂希績公著次子字季常歷宦有堅操由少府監知潁州

盛 陶字仲叔鄭州人登進士熙寧中爲監察御史嘗劾李復圭輕敵敗國程昉開河無功二人實王安石所舉陶不稍屈累官權禮部侍郎中書舍人以龍圖閣待制出知順昌

呂希純字子進官起居舍人上書論時政闕寺

側目紹聖元年出知亳州至建中靖國元年復
以待制出知瀛州改潁州希績希純俱公著子
能推廣父政教化大行祀名宦

陳師錫字伯修建陽人熙寧中遊太學有聲擢
進士第調昭慶軍掌書記郡守蘇軾倚以爲政
元祐初軾三上章薦之徽宗朝拜殿中侍御史
疏陳蔡京蔡卞同惡誤國出知潁州坐黨論削
官時與陳瓘號二陳紹興中贈直龍圖閣
范祖述百祿子也監潁州酒稅攝獄掾活兩死
囚州人以爲神

侯蒙高密人舉進士累官中書侍郎與蔡京
不協出知亳州祀名宦

張商英字天爵蜀州新津人崇寧中爲尙書左
丞與蔡京不合罷知亳州後爲相盡反蔡京之
法

劉遠崇寧中爲中書侍郎以星變請寬邪籍
之禁蔡京使其黨誣之出知亳州

彭訢字樂道江西廬陵人政和中知順昌府
有惠政

曾悟靖康初爲亳州士曹金人破城被執大

罵不屈衆刃劇之妻孥同日被害祀名宦
汪若海字東叟歙人靖康元年下詔求知兵者
若海應詔未三刻文成擢高第紹興九年通判
順昌金人奄至劉錡兵少議遣人丐援於朝無
敢往者若海毅然請行具述錡明方畧善用兵
以偏師濟之必有成功朝廷從之金果敗去祀
名宦

陳規字元則安邱人紹興十年知順昌府初
至卽糴粟麥實倉廩會計議司移粟赴河上規
請以金帛代及劉錡領兵赴京留守過郡境規

出迎坐未定傳金人已入京城規問計錡曰有
糧可與共守規咎以城中有粟數萬斛遂爲死
守計命諸將守四門明斥堠募土人嚮導間謀
布設粗畢金遊騎已薄城矣旣而金龍虎大王
提重兵踵至規躬擐甲胄與錡巡城督戰用神
臂弩射之稍引退復以步兵邀擊溺於河者甚
衆規曰敵志屢挫必思去奇困我不若潛兵斫
營使彼晝夜不休可養吾銳也錡然之刼其砦
殲兵甚衆金人告急於兀朮規大嚮將士問策
將安出諸將謂宜全師而歸規曰朝廷養士原

爲緩急用况進退均死不如進爲忠錡叱諸將
曰府公文人猶誓死守况汝曹耶兀术至并兵
十餘萬攻城規與錡行城勉激諸將流矢及衣
無懼色軍殊死鬪時方劇暑每清晨輒堅壁不
出伺金兵暴烈日中至未申氣力疲則城中出
兵爭奮斬獲無算兀术宵遁錡奏功詔褒諭之
遷樞密直學士乾道間追封忠利侯祀名宦
劉錡字信叔德順軍人瀘州軍節度使仲武
第九子美儀狀善射聲如洪鐘高宗卽位錄仲
武後召見奇之紹興十年金人歸三京充東京

副留守所部八字軍纔三萬七千人將發益殿
司三千人皆攜其孥至渦口方食暴風拔坐帳
錡曰此賊兆也卽兼程而進抵順昌三百里外
聞金敗盟來侵錡與將佐舍舟先趨城中諜報
金人人東京時選鋒遊奕兩軍及老稚在後遣
騎趨之四鼓始至及旦已報金騎入陳錡歛兵
入城召諸將計事皆言金兵不可敵請順流還
江南錡曰吾本赴官留司東京雖失幸此城可
守奈何棄之部將許清曰太尉奉命守汴京軍
士扶老攜幼而來欲棄父母妻子則不忍欲與

借行則敵翼而攻將安逃不如努力一戰於死
中求生錡大喜沉舟示無去意置家寺中積薪
於門戒守者曰脫有不利卽焚吾家毋辱敵手
命將守諸門明斥堠募土人間探於是軍中男
子備戰守婦人礪刀劍錡上城躬自督率取偽
齊癡車輪轆埋城上又撤民扉周蔽之城外民
居悉焚焉凡六日粗畢金遊騎已涉潁河于寅
隨順昌錡預於城下設伏擒千戶阿黑等二人
詰之云韓將軍營白沙渦距城三十里錡夜遣
千餘人擊之殺獲頗衆旣而三路都統葛王褒

以兵三萬與龍虎大王合兵薄城錡令開諸門
金人疑不敢迫初錡附城築羊馬垣穴垣爲門
至是蔽垣列陣金人縱矢皆自垣端軼著於城
或止中垣上錡用破敵弓翼以神臂弩從城上
或垣門射敵無不殪敵稍却復以步兵邀擊溺
河死者不勝計破其鐵騎數千時受圍經四日
金兵益盛移砦李村距城二十里錡遣驍將閻
充募壯士五百人斫營是夕天欲雨電光四起
見辮髮者輒殲之金兵退十五里錡復選百人
往或請銜枚錡笑曰無以枚也命折竹爲噤人

各持一爲號直犯金營電所燭皆奮擊電止則
匿不動敵衆大亂百人者聞吹聲卽聚金人益
不能測終夜自戰積屍盈野乃還軍老婆灣兀
术在汴聞之卽索靴上馬過睢寧治具備糧不
七日至錡會諸將問策或謂今已屢捷宜乘勢
全軍而歸錡曰敵營甚邇而兀术又來吾軍一
動彼躡其後則前功俱廢使敵侵軼兩淮震驚
江浙平生報國之志反成誤國之罪衆咸曰惟
太尉命錡募得曹成等二人諭之曰置汝綽路
騎中遇敵佯墜馬爲所得敵帥問我何如人則

曰太平邊帥子喜聲伎朝廷以兩國講好使守
東京圖逸樂耳第如我言必不殺汝事捷重賞
已而二人被執兀术問之對如前兀术喜曰城
易破耳卽置騫車砲不用翌日錡登城見二人
來絕而上之乃敵械成等歸達文書錡恐惑軍
心焚之兀术至城下責諸將喪師衆曰南朝用
兵非昔比元帥臨陣自見錡遣耿訓約戰兀术
怒曰劉錡何敢與我戰以吾力破爾城直用靴
尖趯倒耳訓曰太尉非但請與太子戰且謂太
子必不敢濟河願獻浮橋五所兀术曰諾下令

明日府治會食遲明錡果爲五橋賴河上敵由
之濟錡遣人毒賴上流及草中戒軍士渴死毋
得飲河敵用長勝軍嚴陣以待諸酋各領一部
衆請先擊韓將軍錡曰擊韓雖退兀朮精兵尚
不可當宜先擊兀朮彼一動餘無能爲矣天方
大暑敵晝夜不解甲遠來疲敝人馬饑渴飲水
食草輒病而錡士氣閒暇蕃休更食值晨氣清
涼按兵不動逮未申敵力疲氣索忽遣數百人
出西門接戰俄以數千人出南門戒勿喊但以
銳斧犯之統制官趙樽韓直身中數矢戰不已

士殊死鬪入陣刀斧亂下敵大敗是夕大雨平
地水深尺餘乙卯兀朮拔營北去錡兵追之死
者萬數方大戰時兀朮以牙兵三千督戰皆重
鎧甲戴鐵兜牟號鐵浮圖三人爲伍貫以韋索
每進一步卽用拒馬擁之退不可却官軍用長
鎗去其兜牟大斧斷其臂碎其首敵又以鐵騎
分左右翼專以攻堅號拐子馬戰酣用之所向
無前至是亦爲錡軍所殺敵旣敗遽以拒馬木
障之出飯羹餉士如平時敵披靡不敢近食已
撤木斫敵又大破之棄尸斃馬血肉枕藉車旗

器甲積如山兀朮至陳州數諸將罪鞭之擁餘
衆還汴捷聞帝喜甚授錡武泰軍節度侍衛馬
軍都虞候知順昌府沿淮置制使洪皓在燕密
奏順昌之捷金人震恐喪魄重寶珍器悉徙而
北欲捐燕南棄之是時諸將協心分路追討則
兀朮可擒汴京可復而秦檜請令王師亟還自
失機會後兀朮率大軍入犯錡又敗之於山東
敵望見錡衆駭曰此順昌旗幟也卽退走金主
亮之南也令有敢言錡姓名者罪不赦枚舉南
朝諸將問其下孰敢當皆答如響至錡莫應者

終江淮浙西制置使贈開府儀同三司謚武穆
李顯忠紹興三十二年授亳州招討使以恩信
結人爲人所信重

元

別的因抄思子也世祖以宗王鎮黑水令襲職
爲萬戶復諭征鎮軍士悉聽號令士卒咸畏服
之世祖卽位謁見於行在賜金符以爲壽穎二
州屯田府達魯花赤時二州地多荒蕪有虎食
人別的因立檻設機除虎害進懷遠大將軍遷
池州路達魯花赤之官道經穎上穎近荆山野

豕時出害禾稼民莫能制聞別的因至迎拜境
上告以故曰毋慮也遂至荆山以狼牙箭射之
豕走數里後晉昭勇大將軍台州路達魯花赤
耶澤字潤之保定行唐人爲管軍總押移戍
潁州宋將夏貴悉銳攻東南壁澤率射士當之
大呼疾戰宋兵奔潰世祖卽位屢遣征伐有功
遷廬州蒙漢軍萬戶未至改潁州

王保保至正間鎮陳潁開府沈丘鑿城東西南
三面爲湖以拒外兵城中安堵後帥軍民北歸
張彘以萬戶鎮亳州先是彘以連歲用兵而

淮難於運糧奏據亳州之利城而戍之彘又以
渦水北隘淺不可舟軍旣病涉曹濮魏博粟皆
不至又以百丈口爲宋往來之道乃築甬道一
自亳抵汴一自亳而南堤百二十里流深不能
築者復爲橋十五橫一二堡戍之由是糧無不
達復築汴堤以通商賈之利建聖廟設校官弟
子員卒贈太師汝南王謚忠武

張弘畧中統三年李璫反求救於宋將夏貴貴
自蘄乘虛北奪亳滕等七州四縣殺守將弘畧
率戰船遏之於渦口貴退保蘄弘畧發亳兵攻

之水陸並進盡復所失地後封爲蔡國公
蓋苗字耕夫清泉人由進士任監察御史至元
四年知亳州增修學校以德化民

賈文備字仲武祁州蒲陰人中統四年授萬戶
領張柔所部軍屯亳州宋兵抄掠淮甸文備戰
却之十一年復授漢軍都元帥領劉整軍駐毫
州宋將夏貴知亳州無備盛引兵來襲文備出
奇兵邀擊大破之

劉均林慮人亳州觀察判官楊春納欵脅均
同降均仰藥死

王公孺汲縣人以奉議大夫知潁州事安靜廉
潔

歸暘字彥溫汴梁人至順初舉進士同知潁
州事鋤奸擊強人不敢以少年易之累官刑部
尚書

怯列霍邱縣達魯花赤勸課農桑修舉廢墜
多政聲詳城隍廟碑記

教化迺太和縣達魯花赤均徭役清訟獄捐俸
賑饑禱雨立應治之東隣失火將延西舍被髮
救之有反風之應隣邑蝗獨不入境潁上有縱

火疑獄久不決卽與剖晰有碑記見藝文
李用宜城父令正大九年楊春作亂改亳州爲
順天府屬縣皆下獨用宜不降宜之妻子在亳
春以爲質竟不屈死

伯 顏城父縣達魯花赤崇文教修學宮誅凶
黨勸農桑己丑春義門鄉塢下村賊衆掠福寧
鎮率兵赴救賊敗走追之爲伏兵所害後人於
被殺處塑像立祠祀之

夏大亨字巨卿河間人至正元年爲亳州譙縣
尹時有道士李鮮德無辜陷獄爲白其寃本州
長史劉傑爲立碑於福寧鎮

王 正末年人至治間爲譙縣治尚簡靜

楊 誠蒙城尹先是河西軍強佔民田令畝輸
小麥三升計當輸一萬七千餘石由渦流漕啟
荆淮往返五百餘里厥後水淺改陸挽率兩斛
而得一麥久浥敗復令原輸之民挾楮幣入倉
羅舊納新倉曹抑奪費又不營十六七楊爲力
請於上已之邑人爲立去思碑祀名宦

趙 渥蒙城令減徭輕賦百姓德之爲立去思

碑

明

李勝定遠人頴自元季韓林兒之亂民多逃
亡明太祖幸汴過之命勝以指揮僉事守頴勝
築城立衛招集流亡民始復業

李天祐洪武元年同知頴州事時兵亂之後百
事草創天祐隨宜經理招撫流移民得復歸田
里

張文弼洪武初知亳州創建州治學宮勤於撫
字流亡復業

袁伯儀湖廣人洪武初任太和縣丞廉明著聞

召爲御史祀名宦

高士進洪武二年知太和當元季兵革之餘民
多流離招附人民六百戶愛養生息民人懷之

祀名宦

王敬洪武三年知頴州時民初出水火積困

朱蕞敬能撫綏安定之卒復生業

馬良太和令廉介愛民修縣治朔學官課士

勸農祀名宦

車誠浙江餘姚人洪武四年知頴上以誠信

治民政化大行擢知光州今祀名宦

方玉合肥人洪武六年知潁州有幹才兵火之餘營建一切皆其規度

游北福建人洪武七年判潁州勤事而愛民築清陂塘民永賴之

王、暉常州武進人洪武八年知潁上慈祥豈弟以德化民祀名宦

杜暹昆明人洪武十五年知潁州政簡刑清遇事明決宦十八載告休將歸百姓感留遂家於潁

孔克畊陝西漢中人洪武十七年任潁上縣丞

才幹精勤賦平政理增修學宮重新縣治民不知擾擢禮部員外郎祀名宦

馬是修名德以字行江西泰和明經洪武間授霍邱訓導陞辭高帝留侍東宮講讀及靖難師入金川門是修具衣冠入應天府學拜先師畢爲贊繫衣帶白經於尊經閣

蘓鎮湖廣石首人末樂初知霍邱縣操守廉潔撫字有方陞應天府通判

張處仁湖廣人末樂中知太和政尚寬平祀名宦

蔡 貴江西平樂人永樂十九年以進士知亳
縣勤於撫字

嚴 敬浙江歸安人舉進士宣德己酉知霍邱
縣民安物阜政績顯著正統元年擢貴州道御
史

鄭文濂浙江仙居人正統元年任潁上令存心
公恕廉能有威祀名宦

盧試榮東陽人正統元年知亳縣重修學宮建
義門倉儲粟以便賑給

陳 名江西人太和令操守廉謹有幹濟才威

惠咸宜吏民畏愛祀名宦

孫 震河南鄆陵人正統元年任蒙城令興廢
舉墜創各鄉社學二十餘所教化大行祀名宦

李 悅末嘉人正統六年潁州學正以潁川衛
隸河南奏請軍生赴豫鄉試自是登賢書捷禮

闡者相繼後官南昌府學教授

孫景名富陽人正統六年知潁州興學校隆秩
祀以清惠牧民得爲治大體

徐 貴南安舉人正統八年任亳縣知縣有公
平廉幹之稱

齊 儀湖廣人正統年任太和主簿有德政祀名宦

鄭 祺字彥禧江西貴溪人景泰初知潁上廉以律已民咸安堵流移復業舊制編戶一十三里公增爲十七里賦歛遂舒九年在滿士民保留進通判職仍掌縣事三年政績詳遺愛碑祀名宦

羅 善江西廬陵人景泰中霍邱教諭通經史善教訓祀名宦

董以思浙江黃巖歲貢景泰中霍邱教諭訓誨

愍切師範嚴肅

范 衷江右人景泰四年以進士授太和令清約自持愛民節用祀名宦

王存粹臨海人景泰中蒙城訓導經明行修型範端嚴祀名宦

高 昇山東阜城人天順間由歲貢任霍邱縣縣舊無城乃督民築土垣以捍衛霍之有城自此始後流寇起邑民恃以無恐

張 本天順八年任蒙城令清廉愛士以內艱去蒙人計其服闋赴京保還至中途聞補清河

縣衆皆痛哭而回祀名宦

王 鑑磁州人成化初任太和教諭啟迪有方

賢愚俱受其益祀名宦

王 瓘直隸獻縣舉人成化二年任亳縣令居

官嚴厲明決捐修州治遷無爲同知

張 賢臨海人成化四年穎州學正嚴課程勤

講訓造就多人文風益振祀名宦

劉 節廬陵人成化十三年由貢士同知穎州

事修清白陂椒陂等堤伐石築東關水口百餘

俱舉百姓賴之條上撫按兩臺於谷家庄增置

縣治業得請矣會節卒事寢

劉 佩鄆陵人成化十三年穎州學正教規嚴

整勤苦率先祀名宦

賀思聰直隸永年進士成化十三年任亳縣令

慈惠宜民以憂去服闋士民伏闕乞令復知亳

許之又任二年儲粟賑饑至二萬餘石去任謝

遷撰遺愛記立碑

胡 棻浙江淳安人成化十四年以進士知亳

縣廉介幹濟振作士氣卒於官邑人哀之

李時儀字瑞夫福建長樂人成化十六年知穎

上省刑薄歛立法惟一邑人目為版李編戶增為一十九里自時儀始今祀名宦

齊 霄邠州人成化中知蒙城縣居官清慎禮士愛民九載如一日祀名宦

蕭 狎四川內江進士成化中知霍邱剖決明斷政蹟卓異邑人於其去也建亭刻石太史劉

戩作記

王 啓浙江黃巖進士成化中任霍邱縣立心方正持守公廉累官刑部郎中

楊 昂蠡縣舉人成化中知太和歷任八年民

懷吏畏陞通判祀名宦

謝 宥永平衛舉人成化二十年知亳縣勤敏勇決嘗儲粟以賑饑民

彭 瑀河南靈寶舉人弘治五年任亳縣賢能有政聲

蘓 信福建永安人弘治五年以進士任亳縣留心學校

孟 統寧陽人弘治七年任蒙城縣丞清廉有為後官至僉憲祀名宦

劉 讓江西人弘治初知潯州始州衛異屬軍

常凌虐百姓讓至有犯者悉寘之法紀綱大振
兵備使者移鎮潁壽讓請也

王 旻曹縣舉人弘治九年知太和廉明剛正
人不敢干以私時有包孝肅之稱祀名宦

閻 璽字廷璽壽陽進士弘治十年任河南按
察使司僉事奉命備兵駐潁州爲移鎮之始尋
遷副使仍鎮潁前後一十二年廉靜不擾軍民
胥安

王 沂山東滋陽舉人弘治十年亳初改州蒞
任當草創之際修舉多端學校壇壝八廨倉儲

皆其興造通敏敢爲善決疑獄積穀五萬石歲
饑親臨賑給不假手於吏胥

張 淮浙江監生弘治十年任亳州同知賑饑
捕盜歷著勞績

林汝明福建莆田舉人弘治三年任潁上教諭
學行修飭師範端嚴祀名宦

張 愛雲南人弘治間知潁州愛民禮士以訟
獄至者立判是非不費一錢而返潁人私相呼
曰板張謂執法無少假也祀名宦

劉 寧山東高苑舉人弘治十七年知亳州謙

厚愛民政多平易為徽人強佔民田事奏辨被逮旋釋復任

張澄字憲夫河南洛陽舉人弘治十八年知

潁上與利除害吏畏民懷遷戶部主事祀名宦

高顯山東濮州人弘治中知霍邱剛果有膽

氣吏不敢舞弊一時有南陽朱季之頌

閻傑河南內鄉明經弘治中授霍邱令刑罰

不事而民自化捕蝗賑饑倣古行之歷陞霍州

知州

李天衢字行之山西樂平人弘治丙辰進士在

潁道兵備僉事正德七年三月剿賊楊虎餘黨

賈敏兒擁眾至潁上城下公適按歷南旋入城

守禦親冒矢石設奇斬賊首十餘級賊遁去潁

人為立生祠事詳王公瑛碑記祀名宦

孫磐字伯堅遼東義州人弘治丙辰進士以

吏部主事忤逆瑾落職瑾誅起為兵備僉事持

風力擊豪強悉毀淫祠配僧尼為夫婦建尊經

閣修復歐陽公書院念南城土垣不堪守禦命

工經營不數日畢集會觸權要中以

他事去士民交惜之

雷頤巴陵舉人正德元年知太和公勤廉幹
興廢舉墜後人思之樹碑於馬神祠前

葉寬字德夫進士正德四年知蒙城以蒙無
城遭寇屠燬寬建城浚池百姓得以捍蔽有修
城記

孫誠北直新河歲貢正德八年知霍邱先是
饑民流徙爲盜掠帑藏城不可守又流賊劉三
等再犯高唐市誠易土垣以磚石不闕月告成
屹然保障

王蚤陝西朝邑進士任戶部主事正德八年

出知亳州有學識政尚寬簡節義文章並著一
時

姚溥裴城歲貢正德十年任亳州訓導風節
皦皦士望依歸

汪欽豐城人正德中任太和典史時洪廟賊
發守城有功

趙夔遼陽人正德中知太和政尚寬平承流
賊後修築城池砌以磚石永爲保障民立祠祀
之

王廷相字子衡河南儀封人工古文辭弘治末

進士改庶吉士授兵科給事中正德中以直忤
時謫判亳州持法不阿士民竦畏拜御史巡按
陝西時鎮守翟鑾方橫廷相下令禁約與之忤
謫贛榆縣丞歷陞御史擒叛寇有功進兵部侍
郎兼都御史加太保

曾大顯麻城進士正德九年任兵備僉事繼孫
公築城之功重加繕治期年而城工告竣

郭震蒲州進士正德十五年官兵備僉事致
治之暇留心經史進生徒講授始終無倦色歷
陞苑馬寺少卿

張思齊湖廣蘄州進士正德間知亳州性廉介
時楊虎作亂有捍禦之功祀名宦

顏本湖廣應山進士正德十五年知亳州修
學校禁豪強時有武紳爲暴境內發其奸私置
之於法氣節凜然與薛考功蕙爲同年友學問
文章互相推重祀名宦

張翹四川涪州舉人正德間知亳州從容修
舉百廢具興學校倉廩陵廟橋梁煥然改觀聽
斷如神摘伏發奸多奇中民立惠政祠以祀之
楊威陝西永壽人正德中任亳州判治事明

有威務安靜尤重學校

郭璋直隸監生嘉靖二年任亳州吏目存心

不苟任事勇往直前

廖自顯字德潛直隸盧龍進士嘉靖中任潁上

令簡易平允保善鋤頑暇則進諸生講論設教

民條約人咸向化

戴時弁浙江臨海進士嘉靖二年知亳州興學

愛民刈除盜賊

伍希周安福人嘉靖三年任兵備僉事以鯁直

與時不合棄官而去

史道字克弘涿州人正德丁丑進士嘉靖丙

戌備兵於潁除奸猾抑豪強禁侵牟清滯獄存

恤災獨興起俊秀歲旱禱龍祠輒應民甚感之

先是弘治間父俊嘗任是官時道從於窮簷利

病素所周悉故多善政後至光祿少卿

周祖堯東平人嘉靖癸未進士甲申知潁州持

正秉公杜絕請託遷南京戶部員外郎

廖雲從字石和懷安人嘉靖五年由明經任潁

州學正博識洽聞以身率教陞樂安縣令

可坤峽江人嘉靖九年判潁州居官清謹民

咸德之遷永淳縣令

張峻江西吉水人嘉靖十年由歲薦任霍邱

縣材猷練達操履清嚴期年未竟厥施而去

呂景蒙字修飭象州人嘉靖中由御史左遷穎

州添註判官潔已愛民安僚佐之分未嘗以風

憲舊臣自矜也繕西湖書院建三忠六貞祠振

興風化豪猾歛手纂修穎志號為簡潔後遷汲

縣令所至有聲

許選濟浦人嘉靖間知太和有惠政陞岳州

通判民立心愛亭

林瑄號西麓莆田人嘉靖中知太和愛民節用

卒於官子雲嗣後為穎州兵備道

胡衮字褒之鄱陽人嘉靖十二年由選貢任

穎州學正敬以律身恕以訓士時纂修穎志衮

訂正之功居多

金禕浙江舉人嘉靖十三年知亳州存心愛

民去後咸思之

羅材江西廬陵舉人嘉靖間亳州學正有文

名行謹修潔仕至刑部郎中

凌士顏號龍山粵中舉人嘉靖十四年任太和

令留心民瘼振興膠庠善吟咏刊社約以教民
李宗樞字子西富平人嘉靖癸未進士任兵備
僉事練戎馬清獄訟復西湖修書院葺四賢祠
後遷河南叅議

孔天胤字汝錫汾州人嘉靖壬辰進士知祁州
遷潁壽兵備以文章飭政事有詩名精漆鑿簡
易澹泊共寒素同民戴其仁士樂其教後官河
南叅議

陳叔美號鳴野陝西涇陽縣舉人嘉靖十五年
任潁上令政尚寬介省刑薄稅愛民禮士廉以

律已厚以待人雖丁賈俱愛戴焉陞徐州知州
茅宰山陰人進士嘉靖十六年由刑部主事
左遷潁州添註同知布政和平民懷其德謠曰
民之父母愷悌君子我潁茅公可以當此

林雲同字汝雨莆田人嘉靖丙戌進士兵備僉
事簡靜廉平汰騶從節冗費吏鮮舞智盜賊潛
踪條倉塲事宜盡社積弊軍衛便焉立仰高書
院後以副使視學粵東

蘇志臯字德明固安人官兵備風裁甚峻有廢
官某法當死其子指揮也爲父請於朝志臯并

論指揮不法人咸憚之平時訓練鄉兵皆諳騎
射擊刺爲政之暇築城濬池修治西湖繞堤植
柳及代柳已合抱入比之韋孝寬春樹云

張永昌號靜菴末年舉人嘉靖十八年知太和
操守廉介敷政寬仁修城浚池不傷民力

聞嘉言浙江寧海舉人嘉靖十九年知亳州好
學能文章以惠愛爲心淡於營競

董茂醇號卯峯浙江選貢嘉靖二十年任太和
訓導學富行修尤長於詩

周麟嘉靖中任蒙城教諭清查學田力持風

教有崇教錄祀名宦

林文豪莆田人嘉靖時爲潁州訓導恂恂儒雅
長於古文辭

喻希學光山進士嘉靖十八年知亳州聽訟公
平鄰境之訟競赴質成

謝文羸柘城人嘉靖二十三年任太和訓導老
成鯁直啓迪不倦

傅棨直隸清苑人嘉靖中以廕生陞尙賓卿
謫同知亳州事勸學興禮修葺湯陵城堤倉廩

歷著善政

劉養仕字學夫內江人嘉靖二十年以明經知
潁州剔弊節財民仰賴之遷順天府治中
顧 翀慈谿人嘉靖壬辰進士任兵備道持體
要去煩苛撫屬安民時稱長者

羅汝賢字夢徵號南渠南平舉人嘉靖二十九
年任霍邱教諭謙和勤敏百年侵地一旦恢復
有功學校士民德之立去思碑

王嘉相河南舉人嘉靖二十三年知亳州平易
近人民安其治

陳學乾廣東舉人嘉靖二十三年亳州學正讀
書潔已立品嚴峻

吳必學福建延平舉人嘉靖二十七年知亳州
虛懷潔已簡靜厚重以慈祥爲敷政之本士民
仰之與張挺並祀惠政祠

錢 岑浙江歲貢嘉靖間任亳州學正持身廉
退士氣爲之一振

萬 夔江西新建進士嘉靖中由御史言事謫
亳州判官任事有爲尤培植學校

諸 暉餘姚進士嘉靖間由刑部員外謫亳州
同知長厚謹守卒於官

王廷字子正四川南充人嘉靖十一年進士授戶部主事改御史疏劾吏部尚書汪鉉謫亳州判官冲和安靜以文學為吏治後為都御史總督漕運巡撫鳳陽時倭亂未靖建議以江南總兵專駐吳淞江北總兵專駐狼山遂為定制卒謚恭節

黃元福建歲貢嘉靖間任亳州訓導一介不取士有貧者且周其急卒於任囊無餘物

趙堦餘姚進士嘉靖間由戶部員外謫亳州同知閒靜自守官舍蕭然

杜燠浙江歲貢嘉靖間任亳州訓導清苦自

甘惠愛士子

胡賓字汝觀河南光州進士嘉靖中由給事中謫判亳州任事不避難尤善誘後

吳宗吉號南崧浮梁人嘉靖二十七年任太和教諭純雅有守著左右箴以警士陞清河令

包澤號會川廣西臨桂舉人嘉靖二十八年知潁上清介自持實心愛民時有反賊施尚詔作亂日夜經營嚴武備謹啟閉使奸細不得竊入賊遂遠去陞鶴慶軍民府知府

胡興之號鶴齋餘姚舉人嘉靖三十年知太和
學問醇正搃履潔清崇節義以勵俗有守有爲
張鳴瑞字鳳山四川瀘州進士嘉靖三十五年
知潁上獄無久繫門無私謁胥吏畏之如神明
士民愛之如父母調儀真縣
陳大化睢州舉人嘉靖三十六年知潁上清介
自持剖決如流民懷其惠課藝講論不倦
蹇達字理菴四川巴縣進士嘉靖四十二年
知潁上禮士愛民持法嚴明不事姑息邑有沈
棟者素稔惡又民婦沈氏有淫行皆寘之法豪

強歛戢良善安生官至尚書

劉衍祚洛陽人知潁州性端重廉潔疾惡如讐
盜賊憚其明威相率遠避

韓萬鍾蘄州人嘉靖中官潁州學正持身端介
通天文工古文辭

郭應奎江西泰和進士嘉靖間由給事中謫霍
邱縣丞守已愛民講學不輟

黃楷廣西永福縣貢士嘉靖三十三年知霍
邱淮河水溢壞廬舍没人畜楷督舟拯溺全活
甚衆捐俸置學田以待士之貧者祠名宦

王學謨字子揚陝西人嘉靖四十一年任兵備
僉事持法嚴肅屬吏不法輒按劾發奸懲貪四
境帖然

曾廷琦雋都人嘉靖間霍邱教諭王陽明門下
士也講學施教得師儒體

陳誥莆田人嘉靖四十二年知潁州減驛馬
庫役等差濬溝渠除奸蠹一意愛民惠政丕著
張佳胤字肖甫銅梁人嘉靖四十三年任兵備
道凡所區畫皆切中時弊後官至大司馬

林陽福建漳浦舉人嘉靖四十三年知霍邱

養民訓士修廢舉墜無愧循良

馬嘉謀號西岡上蔡舉人嘉靖四十三年知太
和盡心撫字待士夫以禮馭百姓以恩捐俸建
文樓請於當道丈地均糧以內艱歸士民爲立
去思碑

崔相恩縣人嘉靖間同知潁州事康平正大
不激不隨居官四年橐無長物

邵聖餘姚舉人隆慶元年蒙城令臨民以誠
歲饑捐俸以賑蒙人立祠肖像以祀之

咸懷良山東萊陽人嘉靖戊辰進士隆慶二年

知霍邱縣發奸摘伏禮士惠民累官陝西僉事
桂茂枝號北海浙江舉人文名推重一世隆慶
間任亳州學正立品端潔大雅不群
饒敬承蒲圻人隆慶二年蒙城令公恕廉潔造
士愛民有去思碑

馬 豸字伯直大同人隆慶四年備兵於潁按
治奸盜鬼蜮潛形先是一武弁與諸生構難劉
僉事得寬捽諸生數人榜掠幾死及劉被劾去
豸至抵武弁法權貴札盈案不爲奪復遠賂其
兄轉請兄亦拒之潁人立祠祀焉

陳 址施州衛人隆慶間判潁州吏有以賂進
者杖而遣之人憚其介

黃 瑚號六泉揭陽人隆慶四年知太和心切
撫字政尚寬和均地糧闢文昌門二載去任老
稚奔走號泣遮道不得行後塑像立祠

陳永直蒲州人隆慶六年由孝廉任捕盜通判
持重乘法初駐潁至方家集獲劇盜折其脛沉
之河中盜遂息遷戶部員外郎接見潁人士慰
勞如家人

黃 著四川鄆都舉人隆慶五年任霍邱教諭

勤於課士教育多方愛霍之山川風土致政後
遂家於霍

李文餘字西江福建平和進士隆慶六年知潁
上綜理周密德量寬宏陞應天府通判

劉 岍號遜山清苑舉人隆慶六年知太和通
達政體均地開溝勸農桑修文廟建文樓濟貧
助喪有功於和者甚大

曾 佐南城人隆慶中同知潁州事孤峻有氣
節能詩文修潔自喜謝郡守鳳翥嘗曰曾君真
一介不取天下士也

王 穀海豐人隆慶間爲潁州訓導稱長者易
學最精

廖雲鵬侯官人隆慶朝以孝廉任潁州學正文
行兼長清標玉立言笑不苟

聶廷璧字祗雍金谿進士萬曆元年備兵於潁
執法不少借鳳陽守陵中官縱役肆虐廷璧擒
其尤甚者杖斃之羣闖胆落暇則進士子較藝
親加品題祀名宦

沈 蒸浙江桐鄉進士萬曆間知亳州居官明
察才足任重州人立祠祀之碑文備載其績

林兆珂莆田進士萬曆二年任蒙城令
言鞭朴不施吏民畏服

詹世用江西弋陽進士萬曆元年以工部
左遷霍邱知縣平易近民謙冲禮士淡泊
陞大理寺評事

劉佐福建上杭貢士萬曆三年知霍邱
俊爽才思敏達以廉能著擢貴州道御史

屠隆號赤水浙江鄞縣進士萬曆五年知穎
上甫下車訊民疾苦無如東門河決之患乃建
長堤以衛之潔已愛民興學造士解任後復過

穎上父老子弟傾城迎之

郝潔棲霞進士萬曆六年任蒙城令旌善鈔
強民被其休

李應兆涉縣人萬曆六年任蒙城縣丞清苦廉
介陞朝城令民至今思之

彭雲湖廣漢陽人萬曆間霍邱縣丞居官守
正催科不擾遷河陽令民思之爲立遺愛碑

謝詔贛縣人萬曆間由進士守穎精敏練達
未嘗以察爲明而閭閻善惡無鉅細皆不能隱
遇事洞燭原委裁處曲當吏莫敢欺鋤強撫弱

一郡稱神士民建祠立碑

余國璽號南塘揭陽舉人萬曆中任太和教諭言行質直識見明達陞如臯令

楊際會字乾銘容縣人萬曆八年知潁州寬仁大度然嚴重難犯均田但足額數不事苛求既去官見潁人倍加親愛每語人曰潁土俗厚多君子吾所極不忘者

陳縉浙江餘姚舉人萬曆八年知霍邱撫民禮士丈田均差興利剔弊惠聲藉藉歷官太守吳一鸞字文盛萬曆中由選貢任蒙城令清丈

田畝均平差徭豁除四千餘丁修學宮增祭器購羣書建置學田社學鑿塘浚池撫流移墾荒田明疆域賑貧乏俱有寔效有三異記祀名宦劉藻徐州沛縣歲貢萬曆九年任霍邱訓導守正不阿却饌非矯一時象德式型士風一變周儻河南延津人萬曆十年任霍邱主簿清操約已雅度宜民嘗曰陶彭澤不以五斗折腰吾其賦歸來乎遂請告去士民多思之

閔一范浙江烏程進士萬曆間知潁上平易近人作興學校革吏書之姦體間閭之隱至今頌

其公明

詹軫光字參尼婺源舉人萬曆間亳州學正清曠絕塵如野鶴翔空不可狎視後陞知府清名

第一

蔣 价武進人萬曆間司訓潁州詞翰兼工不愧師表

嚴而泰鄱陽人萬曆十四年由鄉舉知潁州清直有守人不敢干以私處事各有條理州設走遞馬斃卽民間市補豪右索高價泰釐其弊歲省民間費千金卒於官

甘延諫湖廣安陸舉人萬曆十四年知霍邱歲連饑三請發粟躬行賑濟邑人賴以存活者無筭

楊 芳字以德巴陵人進士任兵備道時潁川衛屯餘地賦額倍增軍伍苦累芳至察實得裁減軍困遂甦

賈舜田掖縣人萬曆間同知潁州事方正廉潔志切愛民以病去買小車載妻孥行李蕭然見者感歎

武之望陝西臨潼進士萬曆十八年任霍邱縣

實心任事多所建明民懷去後之思擢吏部文
選司主事

黃蘭芳字綺石湖廣應城進士萬曆二十年知
潁上縣明若皦日仁若陽春多士景行庶姓飽
德

楊其善江西清江舉人萬曆二十年知霍邱均
徭賑饑修輯縣志尤稱善本

谷文魁北直延慶州歲貢萬曆二十二年蒙城
令時賦無定額每取之不足以致貧富不均文魁
申請上臺每丁輸銀壹錢賦稅照則多寡以立

定規至今民受其福立有生祠

劉漢書山西蒲州舉人萬曆中知亳州政尚平
簡不抗不阿以細事被議處之泰然曰一行非
吏非吾志也去之日遮泣載道

何豸字一立廣東順德解元成進士萬曆二
十四年知潁上疏濬新河追崇先達梓朱子書
以教士用法嚴明人不敢欺

曾化四川墊江舉人萬曆二十六年知蒙城
課士重農旌孝表節後陞大理寺立有生祠

孫崇先陝西扶風舉人萬曆二十九年知蒙城

時黃河衝決民大饑崇先請於上臺得安慶衛
米二千五百石臨清倉米二千五百石以賑散
給牛種開藥局勸民息訟作養士子尤諄切不
倦奉檄編審潁州戶口清詭寄汰逃亡上下悅
服萬曆三十三年遂知潁州減河工之役除軍
衛之弊豪猾革心萑苻息影修潁州乘以備文
獻後仕至方伯

來儼然字望之陝西三原進士萬曆中知太和
學博才優恤民課士去任士民請建名宦崇祠
詳見碑文

李維楨字本寧京山進士繼歷下太倉新安而
起名滿天下萬曆二十九年自翰林來任兵備
修舉廢墜克靖地方官至南京大宗伯

郭蒙古新鄉人萬曆間捕盜通判駐潁州清嚴
有法盜賊遠遁捐俸拓修城隍廟宇增葺西府
官舍百廢具興時予涓已登顯仕迎養蒙古不
可益勤吏治著賢聲焉祀名宦

張邦仁和人萬曆間任潁州訓導蘊藉可親
雅善清烏于學官多所培補

王繼賢歸安進士萬曆三十五年任蒙城知縣

陞南京刑部主事 百姓思之立有生祠

馬呈鼎湖廣京山 舉人萬曆間知亳州培植學

校闡揚潛德以士 風民俗為務

楊維寅號天門武 進舉人萬曆間任亳州學正

高誼達節一時推 重

孫天祥字印旋定 海舉人知太和省刑禁耗革

里馬回堂使費調 東粵保昌縣士民為建生祠

見碑文

李廷輔江西人萬 曆三十六年任蒙城典史奉

委催徵自裹餬糧 屢履徒步不憚辛勞民頌其

廉

張大業字完生四 川涪州舉人萬曆三十七年

知潁上渾厚精明 寬嚴相濟創魁星閣修文昌

閣裁坐派例革公 堂例差役當堂僉點修疏溝

洫百廢具興陞靖 州知州

王 統四川潼川 進士萬曆三十九年知蒙城

豪猾屏迹吏胥畏 服案無積牘獄無疑情以卓

異調繁

載士憲南陵舉人 萬曆間任亳州學正高風曠

識有稽阮襟懷

劉 濠廣東舉人萬曆間知亳州賦性坦白豈
弟爲懷去之日民送至百里外

王世蔭字瑤源四川南充進士萬曆四十二年
知霍邱縣築澧河堤障水邑人德之建生祠北
門內行取授吏部

呂希尚萬曆四十八年知蒙城時苦水荒加意
撫綏賦稅不事簽差訟獄隨讞隨決代徵靈璧
毅然抗議不憚觸忤尤樂課士崇祀名宦

王 政號秋雲夔州人初以孝廉守寧州泰昌
間知潁州潁素苦遼餉政力爲減派歲省費不

費治訟不擾弭盜有法陰戢白蓮邪教保
多陞戶部郎

謝肇玄字石駮湘潭人天啟進士以叅政備兵
潁州時城郭殘破遺黎遠竄肇玄捐資築濬城
池勞來安輯積勞成病易箒時囑其下曰地方
事大當謹守成法言不及他潁人聞之皆巷哭
致奠者見署中積米數百石詢之乃儲以供城
守者不知何所自辦其綜理不擾類如此祀名
宦

賀日章字仲闇丹陽舉人亳州學正捐修學宮

勤修城池凡存學公項不染絲毫士民刊其行於石

劉令譽字闇然山西洪洞進士天啓三年知潁上嚴毅沉重禦事簡當修築下日河堤工程已具倏以艱歸臨行別衆曰三月而去潁所遺恨學宮未修河堤未築大惡未除耳官至巡撫

柴一真號夢菴湖廣潛江官生天啓四年知潁上學問該洽清操自持去時惟槩書半篋而已潘張字星海雲南人由孝廉宰原武天啓六年謫判潁州植一木於庭書天地神明監察六

字坊民有爭垣界者訟不已張諭以洽比之道民並愧讓遂題其坊曰仁讓以風焉捐俸修糧廠更作丙舍數十楹額以節民裕國遷楚之通山令士民立永思碑於堂左

李雲湖廣人天啓五年由舉人知潁州潁故州衛同城衛苦代運積蠹滋蔓適衛丁張邦紳叩闕籲陳雲亦請於當事乃除其弊

汪心淵字如愚弋陽人天啓七年知潁州先撫字而後催科羨耗贖緩毫無染指暇卽進諸生課藝仕至淮安府

張俊英字鍾奇北直衛水舉人崇禎元年知潁
上長材恢豁遊刃有餘不動聲色除去大憝官
至平涼府知府

阮維岳字五公湖廣黃岡舉人崇禎元年知霍
邱縣摘發奸伏人號神君歷官夔州府知府
吳士華福建莆田人崇禎六年蒙城縣丞勸農
課修水利皆有成效以終養歸士民懷之爲立
碑莊子祠側

趙士寬山東人崇禎七年以廕任郡判清操敏
事案無留牘八年正月寇圍潁自鳳陽馳還不

入署卽登陴巡守城陷猶拔金簪募死士堵殺
力盡身死妻崔氏同一二女登樓積薪自焚一門
忠節奉旨卹贈

尹夢鰲雲南人崇禎七年由舉人知潁州潔已
惠民嚴明以御胥吏當事馳檄派備戰馬四十
疋民不能辦夢鰲傾橐應之明年春賊闖塌天
掃地王紫金梁等合兵圍潁夢鰲會趙通判士
寬督衆守禦越三日力竭城陷猶手殺數賊身
中刀死落水中兵科給事中林正亨奉命詢視
以狀聞與士寬並加優卹

廖維義號迴瀾四川長壽選貢崇禎八年知潁
上屢郤巨寇出奇制勝鄰之避難者歸之如市
行取山西道監察御史

吳世濟字楫侯歸安舉人崇禎間知太和甫下
車值寇賊交訐士民驚惶堅不請兵謂兵甚於
寇賊也崇禎八年正月十五日賊二千餘人攻
城同官役士民等派定汛地分門力守自辰至
酉矢石銃砲殺賊甚多少休復進自酉至寅殲
斬益衆又獲其奸細賊乃遁去復於九月十月
間屢有斬獲著有禦寇始末一書

何炳若河內人崇禎間任霍邱訓導八年流賊
破城不屈死

倪可大儀徵人崇禎七年任霍邱教諭八年流
賊破城不屈死

王化澄江西金谿進士崇禎八年蒙城令特差
煩歲饑流離幾盡爲立法整頓民賴更生流賊
焚劫捐俸金治器械築敵臺城賴以全後以憂
歸百姓思之立有生祠

傅振鐸江西金谿人崇禎十年進士知蒙城令
邑苦走遞收檣振鐸將馬歸官養銀歸官收諸

樊盡革又嚴飭防守以禦流寇治阜調繁水城
有去思碑

汪廷鉉字靖玉徽州祁門人崇禎十年任潁上
教諭課士論文修黌宮捐創管子祠置祭田以
永祀值寇警分堞守禦晝夜不怠

朱統鎮新建人明宗室崇禎間太和教諭奏蠲
代徵靈璧餉銀一千餘兩捐俸創尊經閣修玉
几山開寶鏡湖南溝疏泮池水道

趙應垣直隸完縣舉人崇禎間知亳州剛方有
權畧吏胥不敢欺視百姓事霽顏相接如父母

然

葉景先字奕武江西餘干舉人崇禎間守亳八
載始終以長厚爲治及流寇圍亳率衆三戰賊
遁城全羅文止有公齋紀事序載藝文州人爲
建葉公祠

戴永登亳州城守備崇禎七年守城有功
陸之越字踰凡錢塘舉人崇禎十三年任潁州
學正端方質樸鑑別精嘗刊同善錄以教士
楊子奇湖廣京山人崇禎十四年任蒙城令才
博氣迅談笑除巨奸

任有鑑山東人崇禎十五年由功貢任通判署
潁州事是年春狡賊環伺令有能截殺者卽以
所獲給之鄉民爭奮不數日報獲馬七十餘匹
牛騾二百四十餘頭婦幼避難者咸置署中推
食焉事定訪其家還之至夏賊乘雨夜將布雲
梯上城有鑑覺不待輿從走泥中仗劍大呼守
禦者起賊驚散及秋劇賊袁時中李奎等盤據
潁地有鑑密請黃靖南追勦至亳河水漲溢殺
溺死者無筭潁賴以全

李沂字在南四川營山人特用賜進士崇禎

十五年知潁上寇殘之後一意與民休息尤稱

豈弟君子

吳汝琦崇禎十五年潁上訓導徐州人揮霍有
才力董修學宮修街濬濠禦寇有功

何燮字中理知亳州自崇禎八年後寇賊饑
饉州民死徙過半燮盡心拊循營戰守具甚備

未幾山東河南土賊迭至燮戰盧家廟生擒賊
魁二人剗腸示衆撫降者數千人十五年四月
十五日李自成陷亳郡執燮欲降之罵不屈斷
足剖胸而死懸首市上三日眼鼻猶動賊懼之

遂去吏目王隆斗殮燹葬東關事聞贈大僕寺
少卿謚忠壯蔭一子入監後祀名宦忠義兩祠
其後有來亳省墳者勒石於墓之原墓在東關
外
宋應星江西舉人崇禎間守亳時經兵變之後
官署悉被寇燬捐橐更葺而民不困
左相申湖廣夷陵舉人崇禎十三年知霍邱撫
內捍外動中機宜十五年流寇再破霍城被執
大罵不屈賊怒磔之

任民育濟寧州人崇禎十六年以孝廉爲禎牧

當兵疫之後戶口死亡畧盡繼以大旱前守嚴
法追呼餓死囹圄者日數十人郡判任有鑑申
報荒地萬有千頃可耕者僅八千餘頃民育因
開除荒田止徵現在併八十里爲四十里力陳
其狀謂地荒不能卽墾人死不能再生非休養
數十年未易復舊日之盛於是會議上聞竟如
所請民始獲蘇尋遷揚州太守城陷死之

國朝

秘應奇字歷亭順天舉人順治初亳州知州當
兵火之後殘敝不堪撫集哀鴻漸清城社禮賢

賓老與學勸農去之口士民攀留勒其功績於石

龐 禔字紫麓山西河津進士順治四年知霍邱縣博洽淵通性嚴介嘖笑不苟懲奸釐弊不遺餘力卒以直忤當事去

顧龍裳號穉龍無錫貢順治四年任蒙城訓導涇陽之後理學名家而天資復高邁有夢蝶集山桑八景詩傳于蒙陞孝感令

吳國用遼東撫順貢士順治六年知霍邱蒞任之初山賊陳伯紹擁衆入寇久雨城圯賊闖入

國用揮刃躍馬率甲士巷戰當先手斬七級賊大驚竄日晡衝至迎恩門路隘石滑所乘馬跌仆賊矢雨下勢窮力盡仰天大呼曰吾當以死衛百姓遂自刎當事者上其狀

恩賜祭葬贈江南按察使司僉事廕其子世顯領六安州牧康熙七年詳請祀名宦

鮑弘仁字藹如遼東瀋陽貢順治初知潁上才識明敏案無留牘捐俸修東城二百二十九丈不煩民力儒學尊經閣燬於火獨任重修減去濠馬二匹除豁無主荒地五千餘頃陞任後仍

捐馬二匹鬻助諸生膏火

蔣明良遼東人順治七年任霍邱令廉靜簡默臨政以公除奸鋤鏃殲魁釋從士民戴之

劉光肩江寧歲貢順治間任亳州學正清矯自好一介不苟

秦錫蕃南陵舉人順治間任亳州學正知州嚴自泰修學宮資財不足捐俸助之

田本沛陝西富平進士順治七年知蒙城時當兵災之餘民不聊生悉心興利除害田賦則花戶親輸酌緩急而汰餘羨遞馬則設法官養卒

肥瘠而驗芻粟罷夫押差嚴禁鏹狀徵收米麥悉屏常例民至今思之

沈德輿字敬輿蘓州吳江舉人順治十年任霍邱教諭博學工文謹威儀擇交游邑有猾蠹德輿力斥之一時肅然

夏雲從字景玄遼東貢士順治七年知太和風雅英俊申免荒糧捐資新學校建東城譙樓簿書之暇卽攻文墨註誤罷官事白蕭然而去

嚴自泰字去驕福建進士順治十一年任亳州牧學問淵博禮士愛民培植學校創建戟門兩

廡立魁星閣海逆逼城撫循固守安全無恙祀
名宦

汪作霖字雨若歙縣舉人順治十一年任蒙城
教諭勉諸生以忠孝大節講經課藝不愧先儒
創建魁樓以助文峯暇則閉戶著述有西園文
集詩稿陞江西德化令

湯係緒號宗武舒城貢順治十二年任蒙城訓
導性沉靜號風雅多士之式也

翟乃慎字勅菴順天宛平拔貢順治中穎上令
詢民疾苦首以申復舊纜請命撫臺議復招撫

流後復業者六千餘戶墾荒興學訟至立斷遞
馬歸槽清革需索嚴編保甲杜絕盜源捐資賑
饑全活甚衆

李道純字文一滎澤拔貢順治十四年知霍邱
禮士有體禦下惟嚴以外艱去

吳 溢字千頃吳江舉人順治間任太和教諭
勤於課士凡事有益於地方者竭力成之修輯
邑乘其功尤多

丁 亮字寅伯銅陵貢順治間任太和訓導博
達渾厚訓課維勤

劉澤溥陝西進士順治中亳州牧寔心愛民惠
政多端前州志澤溥所修也

陳大綸字聖仲北直定興貢順治中任太和令
文移不用幕賓錢糧不假筭手均里甲去見役
禁火耗撫逋逃除邪教革里馬回堂釐漕糧陋
規捐金修學宮重輯邑志善詩刊公餘草

董遂昇北直河間貢順治十四年任蒙城令仁
厚明決政聲茂著

王道弘字潛麓河南商邱貢順治十六年知霍
邱時有屯差例派里甲堅持不可撫綏山陬遺

孽一時反側歟跡村舍以寧

楊顯德字浮麓澧州歲貢康熙元年任霍邱知
縣開誠布公以勤儉爲士民先仁涵義濡不事
武健而俗亦漸化頌聲藉藉口碑載道

史世菖字仙九海門貢康熙四年任蒙城訓導
器量寬和教澤優渥

喻三畏字念茲遼陽人康熙五年守潁州典利
除病清廉仁恕不事苛察徵收稅糧正供外一
切陋例裁革殆盡遷建寧郡丞經耿逆亂盡節
遇害喪還過潁沿途多哭奠者

竹綠猗陝西涇陽進士康熙八年知蒙城盡心
撫綏革去繳槽遞馬徵銀火耗及漕米夏麥徵
兌繁費歲省數千緡以丁內艱去行之日囊無
餘資人以媿漢之劉寵焉爲立德政碑

施階字衡瞻長洲縣貢康熙十年任蒙城訓
導氣宇深靜不尚浮競與多士處藹然相對尤
諄諄以行誼相勉修東廡建照壁移泮池皆捐
俸成之

陳民懷湖廣應城進士康熙十一年知蒙城革
火耗罷里役除協馬會黃河決憲嚴檄蒙出

稍二萬束載赴工次民懷從容籌畫事集而民
不困

趙裔昌順天大興舉人康熙十二年任蒙城令
時災疫之後民多逋賦開誠布公首濟獨數民
被實惠復緩征比嚴櫃收懲匪類禁刁訟重學
敬士仁政甚著

楊國柱奉天監山人康熙十二年任亳州牧鋤
奸戢暴有守有爲大兵過亳一切支應無絲毫
累地方親行護送官軍至蒙城蒙父老復請護
送出蒙界隣邑亦倚賴焉祀名宦

常翼聖河南鄆陵進士康熙十八年知潁上居
官廉恕歲旱殫心設法活數千人王提憲兵過
不戢力白其狀詞不稍屈兵不敢擾歷官都察
院御史

朱之璉號蒼巖奉天人康熙三十一年任亳州
牧修學宮魁樓給貧民牛種政聲大著以盜案
註誤離任亳人乞留再任後遷安慶府同知及
四十八年亳大饑奉委來賑多方設法饑民遍
沾寔惠復施衣藥全活甚衆

孔興論字翼菴至聖裔康熙三十六年補潁州
同知爲人渾樸端方不徇俗尚重士愛民持躬
廉介妻子至餽粥不能給

孟 沂號伯麟河南太康舉人康熙五十三年
知潁上清嚴峻厲興學課士政簡訟稀以行取
去

趙 蕃號蓉木濟寧州進士康熙六十年任潁
上知縣清廉安靜尋以丁艱卸事出署之日行
李蕭然

邵錫光號恢齋浙江進士康熙六十一年任潁
上知縣寬厚和平清靜不擾癸卯分校得士稱

盛後調溧陽

李月槎字虛舟鑲白旂人雍正三年由合肥令陞直隸潁州知州先是潁州試院在鳳諸生童跋涉維艱李創建考棚躬請學使者蒞潁按試人皆德之

毛貢字九萊山東掖縣人雍正五年由天長令陞直隸潁州知州初蒞任卽捐俸倡修學宮十年五月以辦銅未歸邑遭回祿延燒不已甫歸而大雨如注火患頓息旋捐俸修葺民居詳請賑卹時邑有奸民結黨號曰羅漢凌轢鄉里

爲懲其渠魁衆皆帖然後卒於潁士民皆哭失聲扶柩送至境外者數百人

沈作霖字沛然蕪州人雍正三年由舉人任潁州學正至五年五月大水邑民各陳災傷狀會移禍於諸生文致其罪加以囚羈沈患痢方劇奮不顧身慨然請訴於撫臺魏公行至舒城病甚僕勸之歸沈曰吾寧客死必不坐視潁民之患也抵皖用繩床舁見魏公已舌僵不能語力疾含糊言曰十八個無辜秀才五十里被災百姓惟公保全耳言已瞑目逝後卒賴以全

張志亨號際熙三水進士雍正六年任潁上知
縣嗜學愛士剛果強毅屢辦大獄持正不徇卒
以中傷解任

邱齊衡號同嶽靈壽舉人雍正十年任潁上縣
知縣正直公平敬禮士類

孫光祀字晴江湖北漢陽人乾隆元年由刑部
郎中任潁州府其繼母汪氏每以家貲給署中
經費使至必語之曰勿以不能迎養爲念但六
邑中無一怨言聲卽此爲孝孫承母志一切苞
苴盡絕時淮水漲入蒙河兩岸田畝盡沒爲捐

俸築塞居民安堵又守法不可私干有大猾當
抵法請託不從乃走漢陽丐其鄉書思爲貰免
終置之理尤善造就人才多所成立云

楊遵時字叔憲陝西三原進士乾隆六年知太
和勤於政治查饑發賑晝夜不遑寧處捐俸置
棉衣給貧人陞亳州知州卒於亳邑人爲立去
思碑

葉履亘字念堂浙江慈谿貢乾隆七年任蒙城
令蒞事精敏捕盜有方盡心溝洫其開濬新舊
溝道具載輿地志中尤能馭吏雖奸猾者能

蔽以勤瘁卒於官

